



HAPŠENJE NOVI PRITISCI U SLUČA

Otkrio identitet zaštićenog svjedoka!

Malverzacije Sudeње bivšem ratnom komandantu tzv. Armije BiH u Srebrenici obavijeno pritiscima i malverzacijama. Nakon hapšenja inspektorke **SIPA**, iza rešetaka završila i osoba koja je otkrila ime zaštićenog svjedoka



SVE SE ČINI DA PROCES BUDE UPROPAŠĆEN Naser Orić

Brankica Spasenić
Sarajevo

Pripadnici Agencije za istrage i zaštitu BiH (SIPA) uhapsili su na području Sarajeva Mirzeta Omerovića (42) zbog sumnje da je otkrio

identitet zaštićenog svjedoka u predmetu "Naser Orić i drugi".

Hapšenjem Omerovića, kao i prošlonedjeljnim hapšenjem Dženane Omerhodžić, više inspektorke u Odsjeku za

ratne zločine SIPA, zbog lažnog prijavljivanja korupcije u istom predmetu, potvrđuju se ranija pisanja Pressa o sumnjama u nevidene pritiske i malverzacije kojima je obavijeno suđenje bivšem ratnom komandantu tzv. Armije BiH

U "NASER ORIĆ"

u Srebrenici. Omerović je uhapšen po nalogu tužioca iz Posebnog odjeljenja za organizovani kriminal, privredni kriminal i korupciju Tužilaštva BiH.

- Hapšenje su izvršili policijski službenici SIPA. On je u zakonskom roku predat Tužilaštvu BiH, gdje će ga postupajući tužilac ispitati u svojstvu osumnjičenog, nakon čega će odlučiti o pokretanju prijedloga za određivanje mjere pritvora ili mjere zabrane u skladu sa zakonom - kazao je Boris Grubešić, portparol Tužilaštva BiH.

Stalna namjera

Pred Sudom BiH u toku je suđenje Oriću, kao i pripadniku tzv. Armije BiH Sabahudin Muhiću, optuženima za ubistvo trojice zarobljenih Srba 1992. godine na području Srebrenice i Bratunca. Prema riječima direktora Centra za istraživanje ratnih zločina RS Milorada Kojića, od početka ovog procesa postoji bojazan o mogućim pritiscima na svjedoke i pokušajima njihove diskreditacije.

- Očigledno je da je prisutna stalna namjera da ovaj predmet bude upropašćen. Sjetimo se samo pokušaja diskreditacije postupajućeg tužioca da je navodno primio nekakvo mito da bi minirao citav predmet. Koriste se sva nedozvoljena sredstva da ovaj slučaj bude upropašćen - istakao je Kojić za Press.

On je naglasio da se, u konkretnom slučaju, šalje loša poruka i za druge predmete koji se vode ili bi trebalo da budu otvoreni pred domaćim pravosuđem.

- Šalje se poruka zaštićenim svjedocima da niko nije siguran i plašim se da se pokušava nametnuti što veći strah kako ne bi svjedočili u predmetima ratnih zločina. Ovim im se pokušava pokazati da to što su pod mjerama zaštite



Šalje se poruka zaštićenim svjedocima da niko nije siguran

Milorad Kojić

nije nikakva garancija. Očigledno da ovaj predmet mnogo boli Bošnjake i da su sve svoje resurse stavili na upropašćavanje cijelog procesa - kazao je Kojić.

Nije prvi slučaj

Podsjećamo, u petak je takođe zbog sumnje u kriminalne radnje u vezi sa slučajem "Orić" uhapšena i inspektorica Omerhodžić, koju terete za slanje anonimne prijave u kojoj je lažno optužila kolegu Novaka Mijovića i tužioca Miroslava Janjića za primanje mita u predmetu protiv ratnog komandanta tzv. Armije BiH za Srebrenicu. Kancelarija disciplinskog tužioca Visokog sudskog i tužilačkog savjeta (VSTS) BiH je u januaru ove godine pokrenula istragu protiv Janjića, za koga su prethodno dobili anonimnu prijavu u kojoj je navedeno da je uzeo 60.000 evra da bi "minirao" svjedoke u predmetu protiv Orića, koji je optužen za ratne zločine nad Srbima. Ista takva prijava tada je prosljeđena i Tužilaštvu BiH, SIPA i Ambasadi SAD u Sarajevu, i u njoj je, osim Janjića, za uzimanje mita bio optužen i inspektor Mijović.

Isti metodi i u drugim predmetima

Dobro obaviješteni sagovornici Pressa ističu da se hapšenjem onih koji opstruišu sudske predmete šalje dobra poruka da nije dozvoljeno baviti se takvim metodima.

- Međutim, postoji i velika bojazan da se otkrivanjem identiteta zaštićenih svjedoka u predmetu "Naser Orić i drugi" šalje šira poruka koja ostavlja negativne implikacije i na druge predmete, poput "Atifa Dudakovića" i "Sakiba Mahmuljina". Na svjedoke optužbe u ovim predmetima se takođe vrše stalni pritisci da odustanu od svjedočenja ili da promijene iskaze - istakli su naši sagovornici.